



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 157. Quid præterea notandum sit circa resignationem simoniacam aliásque conditionales.

urn:nbn:de:hbz:466:1-42600

Quòd si ex conventionè falsò exprimant majorem valorem, ut sic moveant Papam ad concedendam pensionem, *Nav. Paris. Garc. Leur. q. 740.* dicunt non esse simoniam, quia non sunt pacti circa beneficium vel aliquid cum beneficio connexum, sed tantùm circa falsam narrationem ad obtinendum consensum, per hoc tamen peccarunt, & impositio pensionis est nulla.

1061

§. III. Si resignes sub pacto, ut resignatarius refundat expensas factas pro beneficio, v. g. pro reparanda Ecclesia, meliorandis fundis, redemptione vexæ ab hæretico intentatæ, *Az. & Pirb.* dicunt non esse simoniam, quia tantùm repetit, quod suum est, & veluti adhuc inest beneficio; consentiunt *Felin. & Paris.*, si expensas fecerit ex bonis patrimonialibus, nam etiam successor in beneficio tenetur eas expensas refundere hæredibus defuncti: si autem fecit eas ex bonis Ecclesiasticis, quod præsumitur, nisi probetur contrarium, dicunt resignationem sub tali pacto esse simoniacam, quod dicit *Gamb.*, quamvis fecerit ex patrimonialibus, quia illa conditio refundendi non inest de jure, ergo non potest deduci in pactum; Et hæc sententia tenenda est, si eas expensas fecerit in commodum suum, ac ideo è beneficio retulerit fructus expensis suis respondentes. Vide *Leur. q. 741.*

1062

Q. 157. Quid præterea notandum sit circa resignationem simoniacam aliasque conditionales. R. Recolenda sunt dicta L. 3. p. 1. à n. 57. 69. 79., ubi explicavimus, quid sit simonia & quomodo committatur in materiis beneficialibus. His adde seqq.

§. I. Resignatio simoniacæ est nulla, *Cap. Cum pridem,* & *cap. ult. de pactis*: Quod verum est, licet firmetur juramento, *Staph. Paris.* Tamen sic resignans non amittit jus in beneficio, quamvis privari possit,

possit, *Gl. Rebuff. Nav. Laym. Paris.*; suntque ejusmodi resignationes ipso jure nullæ, *Selv. Nav. Rebuff. Paris. Az.* Vide *Leur. p. 3. q. 723. 724.*

§. II. Illa resignatio est simoniaca, quæ fit sub conditione, modo vel pacto, quod de jure non inest nec adjicitur autoritate Apostolicâ; si tamen fiat sub reservatione beneplaciti Apostolici, excluditur simonia, cum tantum prohibeatur pactio firma, *Cap. Cum univ. solum, de rer. permut. S. Anton. Felin. Varin. Paris. Tond. Lott. Luca.* Estque licitum, secundum dicta n. 1055., antecederet tractare de conditionibus: attamen esset simonia ante approbationem Apostolicam mandare executioni hoc, de quo conventum est, *Mohed. Tond. Leur. q. 726.* Si autem fiat coram Ordinario sub conditione, quæ de jure, fundatione vel statuto inest; v. g. sub pacto residendi, ad quod vi beneficii obligabitur, nulla est simonia nec illicitum, *Cap. Significasti, de elect., Paris. Az.*; uti nec tunc est simonia, si fiat sub pacto solvendi pensionem, si beneficium pensione sit gravatum vel legitimè gravetur, *Leur. q. 731. contra Nav. & Paris.* Etiam simonia est, si ex pacto pro re temporali, aut etiam spirituali, resignes gratiam expectativam, quam habes, *Abb. Az. Laym. Leur. q. 752.*

§. III. Si conditio non inest beneficio, attamen sit debita, v. g. si resignes cum pacto etiam tacito, ut resignatarius tibi solvat, quod debet, est simonia, secundum dicta l. 3. p. 1. n. 83.; è contra si nullum pactum intercedat, quo imponatur nova obligatio, sed resignes beneficium eo fine secundo, ut reddatur potens tibi solvere vel ut flectatur ad solvendum, non est simonia nec illicitum, *Suar. Lay. Pirb. apud Leur. q. 732.*

§. IV. Quomodo simonia confidentialis com-

mittatur in resignationibus, dictum est l. 3. p. 1. à n. 63. Hic notandum, quod resignatio ita simoniace facta, quamvis sit ipso jure nulla, tamen teneat in præjudicium resignantis simoniace, qui ideo amittit jus, nec conceditur ei regressus, sed beneficium tanquam vacans à tertio impetrari potest, *Boer. Tond. Leur.* contra *Rebuff.*; attamen simonia commissa ab uno ex transigentibus, alteri vel aliis, qui non deliquerunt, nocere nequit, *Cap. 33. sicut*, de simonia, *Tond. Leur.* q. 754.

De pœnis simoniæ dictum est l. 3. p. 1. à n. 200.; quomodo autem & cui restituendum sit pretium acceptum, dictum est *ibid.* à n. 237.

1066 Q. 158. *An possit alicui conferrri pinguius beneficium, sub conditione, ut resignet vel dimittat illud, quod habet.* R. Si conferatur aliud incompatible, adjici potest conditio, ut dimittat primum, quia hæc conditio de jure inest, uti habet communis cum *Carden.* in 2. crisi d. 27. n. 120.: si autem secundum sit compatibile cum primo, *Selv. Garc. Sanch. Gibal.* dicunt fore simoniam, sed oppositum tenet cum *Moscoso Carden.* n. 122., I. Quia etiam hæc conditio videtur inesse de jure, non quidem præcipiente, attamen consulente, quamvis enim beneficia sint de se compatible, tamen secundum dicta n. 897. *Canones* oderunt pluralitatem beneficiorum in eodem subjecto, & *Trid.* *Ses. 24. c. 17.* de *Ref.* vult singula singulis conferri, etiam præscindendo à sufficientia sustentationis, (ob quam tamen aliquid indulget) ob multa incommoda, quæ in Ecclesiam redundant, si idem habeat plura beneficia, ergo poterit dicere, confero tibi hoc beneficium, sub conditione, ut agas hoc, quod est conformius *Canonibus*, & hic est, ut præhabitum resignes. Et hæc ratio militat pro omni collatore. Sed loquendo